



Photo Charrouin, Saint-Pol-de-Léon

Hirreat o deuz ho löstennou

Son ha ton nevez

I

Breman merc'hed iaouank e komprenan
'Z euz deuet d'eoc'h eun tammik skian
Astennet o peuz ho lostennou
Ha krennet eun tam ho tiskouarniou

II

Sur oun m'o pije gwezet pell zo
Penaoz gant ho lostou fars ar vro
Pegement d'eoc'h e veze c'hoarzet
Buhan ho tilhat pije astennet.

III

C'houi sonje d'eoc'h, me oar ervad
D'ar botred trelli ho daoulagad
'Balamour gant ho lostennou ber
Veze gwelet d'eoc'h ho tivesker

IV

C'houi sonje d'eoc'h an dra-ze zo sur
D'ar botred ober kalz plijadur
Siouaz ! klevet vezent o lavaret
Kollet eo ho fenn gant ar merc'hed.

V

Kalz ac'hanoc'h breman deuz gwelet
Pegement dezho veze c'hoarzet
Evit miret an dud da jaogat
O deuz lakeat astenn ho dilhat.

(Reproduction interdite)

VI

Breman ennoc'h ez euz chenchamant
C'houi a zo kaer. c'houi a zo koant
Eun dudi gwelet ho lostennou
'Tisken d'eoc'h beteg ho poutou

VII

Araok gant ho tilhad ken ber
Disterra veze fall an amzer
C'houi a veze gwelet peb momen
Gant ar vez chacha war ho losten

VIII

Disterra teue 'n avel da grenvat
Ken ber e veze d'eoc'h ho tilhat
Dioc'htu en ear vezent savet
Eur gwal skouer ez oac'h da velet.

IX

An dud koz a jome souezet
'Velet penaoz e veze c'h gwisket
Lavaret a reent etrezho
Pebez giz spountuz 'zo deut er vro.

X

'Velse, selaouit merc'hedigou
Gollit ket ho penn, gant ar gizioù
Chomit atao honest, bezit fur
Hag o pezo leun a blijadur.

Francis MOAL.